


# **Lover for Norges Bondelag**

**2023**

**Vedtekne 1896 med seinare revisjonar.**

**Siste endring vedteke av årsmøtet 2023.**

**Originalen er på bokmål.**



**NORGES  
BONDELAG**

# **INNHOLD**

|   |           |
|---|-----------|
| <b>Kap. I. Vanlege føresegner for Norges Bondelag.....</b>    | <b>3</b>  |
| § 1. Formål .....   | 3         |
| § 2. Verkemiddel og arbeidsformer .....                       | 3         |
| § 3. Medlemskap .....   | 4         |
| § 4. Organisasjon.....  | 4         |
| § 5. Plikter mot organisasjonen og kven som kan veljast ..... | 4         |
| § 6. Valdgift – føresegna går ut.....                         | 5         |
| § 7. Reaksjonar frå organisasjonen overfor ein medlem .....   | 5         |
| § 8. Medlemskontingent .....                                  | 5         |
| <b>Kap. II. Styrande organ.....</b>                           | <b>5</b>  |
| § 9. Årsmøtet .....   | 5         |
| § 10. Ekstraordinært årsmøte .....                            | 7         |
| § 11. Representantskapet .....                                | 7         |
| § 12. Styret .....  | 8         |
| <b>Kap. III. Om lokallag av Norges Bondelag .....</b>         | <b>10</b> |
| § 13. Lokale bondelag.....                                    | 10        |
| § 14. Årsmøtet i lokale bondelag.....                         | 10        |
| § 15. Styret i lokale bondelag .....                          | 11        |
| § 16. Ansvar .....  | 11        |
| § 17. Æresmedlemer i lokale bondelag .....                    | 11        |
| <b>Kap. IV. Om fylkeslag av Norges Bondelag .....</b>         | <b>12</b> |
| § 18. Fylkesbondelag .....                                    | 12        |
| § 19. Årsmøtet i fylkesbondelaget.....                        | 12        |
| § 20. Styret i fylkesbondelaget.....                          | 13        |
| § 21. Ansvar .....  | 14        |
| § 22. Æresmedlemer i fylkesbondelaget .....                   | 14        |
| <b>Kap. V. Spesielle føresegner.....</b>                      | <b>15</b> |
| § 23. Utfyllande føresegner m.m. ....                         | 15        |
| § 24. Avstemmingar .....                                      | 15        |
| § 25. Aksjonsapparatet.....                                   | 15        |
| § 26. Rekneskap og revisjon .....                             | 15        |
| § 27. Meldingar.....  | 16        |
| § 28. Endring i lovene .....                                  | 16        |
| § 29. Oppløsing.....  | 16        |

## KAP. I. VANLEGE FØRESEGNER FOR NORGES BONDELAG

### § 1. Formål

Norges Bondelag har til formål å samle alle som er eller kjenner seg knytte til bondeyrket, for å fremje felles saker, trygge landbruket og arbeide for dei økonomiske, sosiale og kulturelle interessene i bygdene.

Norges Bondelag er partipolitisk nøytralt og skal ikkje yte økonomisk stønad til eller ta imot økonomisk stønad frå politiske parti.

Norges Bondelag byggjer på nasjonal og kristen grunn.

### § 2. Verkemiddel og arbeidsformer

a) For å verkeleggjere sine mål etter § 1 vil Norges Bondelag mellom anna arbeide for:

1. At det einskilde medlem får slike vilkår at han/ho finn seg til rette i yrket sitt og i bygda.
2. Å ivareta landbruksnæringa sine interesser overfor styresmaktene i landet og andre. På vegne av næringa ting om og inngå avtaler om prisar, tiltak m.v. til fremje av næringa.
3. At næringa skal oppnå full jamstilling, så vel økonomisk, sosialt som kulturelt. Norges Bondelag arbeider for gjensidig tillit mellom ulike grupper i samfunnet og i forholdet til offentlege styresmakter. Norges Bondelag vil gjere alt det evner for å løyse sine oppgåver ved forhandlingar. Dersom dei vitale interessene til landbruksnæringa blir truga ved misbruk av makt og ved at rimelege krav blir sett til side, kan Norges Bondelag setje i verk mottiltak.
4. Full tilslutnad frå utøvarane av næringa til dei økonomiske organisasjonane i landbruket.
5. Å fremje kulturelt, sosialt og fagleg arbeid i bygdene med sikte på å utvikle og sikre bygdesamfunnet som heilskap.
6. Å ivareta landbruket sine interesser internasjonalt.

b) Norges Bondelag skal ha eit nært samarbeid med Norges Bygdeungdomslag og Norges Bygdekvinnelag, og skal også stø desse økonomisk.

c) Norges Bondelag skal ha eit nært samarbeid med samvirkeorganisasjonane og andre organisasjonar innan landbruket. Norges Bondelag vil også samarbeide med andre der dette er formålstenleg.

d) Norges Bondelag er eineeigar av Bondelagets Servicekontor AS og skal gjennom dette selskapet yte service og informasjon til medlemmene i Norges Bondelag i samsvar med vedtekten til selskapet.

### **§ 3. Medlemskap**

- a) Personar som har sitt yrke i landbruket, og andre som ønsker å støtte Norges Bondelag sitt arbeid, kan bli medlemer i Norges Bondelag.

Medlemskap i Norges Bondelag er direkte og personleg.

Utmelding må gå skriftleg. Ein medlem som ikkje har betalt kontingenent i eitt år, skal strykast som medlem.

- b) Æresmedlemer av Norges Bondelag blir utnemnde av årsmøtet etter framlegg frå styret.

### **§ 4. Organisasjon**

Medlemene i Norges Bondelag blir organiserte i lokale bondelag. I særskilde tilfelle kan ein medlem bli organisert direkte i fylkeslaget etter godkjenning av styret i fylkeslaget.

Er det fleire lokale bondelag i ein kommune, skal desse ha eit samarbeidsorgan.

Fleire lokale bondelag kan samarbeide innan mindre område enn eit fylke.

Dei lokale bondelaga i eit fylke skal sluttast saman til eit fylkeslag.

Samanslåing eller nedlegging av lokallag gjennom overføring av medlemer til eit anna lag, kan skje etter årsmøtevedtak i lokallaget med  $\frac{3}{4}$  fleirtal av dei avgitte stemmene, eventuelt ved fleirtalsvedtak på to på kvarandre følgjande årsmøte. Samanslåinga eller nedlegginga må godkjennast av styret i fylkeslaget.

Fylkesbondelag og lokale bondelag er arbeidsorgan i Norges Bondelag, og skal arbeide i samsvar med desse lover og vedtak gjort i medhald av dei. Fylkes- og lokallaga sine ansvarsområde er fastlagde ved desse lover (jfr § 16 og § 21).

Årsmøtet i Norges Bondelag vedtek retningslinjer for arbeidet i fylkeslag og lokallaga.

Norges Bondelag sitt merke er kornbandet.

Norges Bondelag sitt hovudsete og verneting er Oslo.

### **§ 5. Plikter mot organisasjonen og kven som kan veljast**

Medlemmene i Norges Bondelag skal:

- a) Følgje alle vedtak som blir gjort innan Norges Bondelag i samsvar med formål og lover for organisasjonen.
- b) Ta imot val til ombod i organisasjonen og val som blir gjorde i lokallag, fylkesbondelag og Norges Bondelag. Ein medlem kan nekte attval for like lang periode som han har fungert i eit ombod. Berre medlemer i Norges Bondelag kan veljast til ombod i organisasjonen.
- c) Alle med stemmerett i Norges Bondelag sine organ sentralt og på fylkesnivå, skal være medlemer i Norges Bondelag.

## **§ 6. Valdgift – føresegna går ut**

### **§ 7. Reaksjonar frå organisasjonen overfor ein medlem**

Medlemer som bryt lovene i organisasjonen, handlar illojalt eller på annan måte sviktar eller går fram i strid med formålet til Norges Bondelags lover eller vedtak, kan styret i Norges Bondelag stengje ute som medlem.

Styret kan i mindre alvorlege tilfelle vedta andre reaksjonsformer.

### **§ 8. Medlemskontingent**

- a) Medlemer i Norges Bondelag skal betale kontingent til Norges Bondelag og Bondelagets Servicekontor AS etter vedtak av årsmøtet i Norges Bondelag. Den einskilde medlemmen har plikt til å gi organisasjonen dei opplysningane som skal til for å rekne ut medlemskontingent. Styret gjev særskilde reglar for innkrevjing av kontingensten.
- b) Årsmøtet avgjer kor stor del av kontingensten som skal gå til lokal- og fylkesbondelag
- c) Årsmøtet skal med  $\frac{3}{4}$  fleirtal av dei møtande utsendingane gjere vedtak om å påleggje medlemmene særskild kontingent til særlege tiltak som årsmøtet gjev vedtak om å fremje.

## **KAP. II. STYRANDE ORGAN**

### **§ 9. Årsmøtet**

Den høgste avgjerande styresmakt i Norges Bondelag er årsmøtet.

Ordinært årsmøte blir halde ein gong årleg.

Ordføraren kallar inn og leier årsmøtet.

#### **a) Innkalling.**

Ordinært årsmøte skal av ordføraren kunngjera med minst 12 vekers varsel i medlemsbladet for organisasjonen, og ved skriftleg varsel til medlemmene av representantskapet, dei fylkesbondelag og dei organisasjonar som har rett til å velje utsendingar.

Ordføraren skal minst 6 veker før ordinært årsmøte ha sendt innkalling og sakliste til medlemmene av representantskapet og til dei som har rett til å sende utsendingar til møtet.

Styret kan i ekstraordinære tilfelle leggje fram saker som ikkje er oppførde på saklista for årsmøtet og ikkje tekne med i innkallinga. Dette gjeld ikkje lovendringar og spørsmål om opplysing av Norges Bondelag.

#### **b) Rett til å leggje fram saker for årsmøtet**

Har styret og representantskapet i Norges Bondelag, fylkesbondelag, samvirkeorganisasjonane som er medlemer i representantskapet, Norges Bygdekvinnelag og Norges Bygdeungdomslag. Vidare har eit lokallag av Norges Bondelag same rett når saka har fått tilslutning frå styret i fylkesbondelaget.

Saker som skal behandlast av årsmøtet må vere komne inn til styret minst 8 veker før ordinært årsmøte skal haldast.

Forslag til endring av organisasjonen sine lover og til oppløysing av organisasjonen, og som er ynskte behandla på første årsmøte, må vere styret i hende innan 1. februar det året årsmøtet skal haldast.

c) Årsmøtet er samansett av:

1. Utsendingar valde på årsmøte i fylkesbondelaga. Utsendingane blir valde for eitt år om gongen. Dessutan blir det valt varautsendingar i nummerorden, for 1 år, svarande til talet på utsendingar. Melder ein utsending forfall, blir varautsendingar innkalla i nummerorden.  
Kwart fylkeslag vel ein utsending for quart påbegynt 600 medlemer (1-600 medlemer gjev 1 utsending, 601-1200 gjev 2 osv.). Kvart fylkeslag skal likevel ha minst 3 utsendingar.
2. Fire valde utsendingar frå Norges Bygdekvinnelag, med 3 vararepresentantar i nummerorden.
3. Fire valde utsendingar frå Norges Bygdeungdomslag, med 3 vararepresentantar i nummerorden.
4. Medlemene av representantskapet.

d) Årsmøtet er ope, men årsmøtet kan bestemme at møtet blir lukka. Årsmøtet bestemmer da kven som kan være til stades.

e) Alle som er medlem i Norges Bondelag har rett til å følgje årsmøtet dersom ikkje årsmøtet har vedtatt å lukke møtet. Tilsette i Norges Bondelag og Bondelagets Servicekontor AS kan delta og uttale seg på årsmøtet, men har ikkje stemmerett.

f) Det skal førast protokoll frå årsmøtet.

g) Avstemmingar.

Årsmøtet tek sine avgjerder ved fleirtalsvedtak. Ved ulikt stemmetal har ordføraren dobbelstemme. Dette gjeld ikkje ved val.

Dersom ingen av kandidatane ved val får meir enn halvparten av stemmene, skal det haldast omval. Oppnår ingen av kandidatane meir enn halvparten av stemmene ved andre valomgang, skal det haldast omval mellom dei to kandidatane som har fått flest stemmer i andre valomgang. Blir stemmetalet likt i tredje omgang, blir valet avgjort ved loddtrekning.

Val av styremedlemer, ordførar og varaordførar skal vere skriftleg. Alle val på årsmøtet gjeld - dersom ikkje noko anna er fastsett - frå avslutninga av årsmøtet.

h) Reise- og kostgodtgjersle til medlemer av årsmøtet blir betalt av Norges Bondelag. Dei økonomiske organisasjonane betaler sjølve for sine utsendingar.

i) Årsmøtet skal:

1. Velje 2 utsendingar til å skrive under protokollen.
2. Handsame årsmeldinga frå Norges Bondelag.
3. Handsame rekneskapen for Norges Bondelag og meldingar frå revisor. Styremedlemene har ikkje stemmerett i denne saka.
4. Handsame næringspolitisk program for ein programperiode nærrare fastsett av årsmøtet.
5. Velje leiar, 1. og 2. nestleiar og 7 andre medlemer av styret. Leiaren og dei 2 nestleiarane blir valde for eitt år. Dei andre blir valde for 2 år, slik at 3 eller 4 går ut annakvart år. Kvart år skal det veljast 3 varamedlemer i nummerorden.

Tre medlemer av styret skal veljast blant medlemer i Norges Bondelag som er medlemer av styret i samvirkeorganisasjonane med marknadsreguleringsansvar. Om ein slik styremedlem går ut av styret i sin organisasjon, skal det veljast ein ny styremedlem for eit år.

Ved val av styret bør det takast omsyn til at kjønnsfordeling, distriktsrepresentasjon, bruksstorleiken og dei ulike interesser innan landbruket vert ivaretakne.

6. Velje ordførar og varaordførar, samt 2 vararepresentantar i nummerorden. Desse veljast for eitt år.
7. Fastsetje godtgjersle til ordførar, leiar, nestleiar, styremedlemer og fylkesleiar i Norges Bondelag.  
Fastsetje reise- og kostgodtgjersle for desse og for medlemer av årsmøtet og representantskapet.  
Fastsetje daggodtgjersle for tillitsvalde sitt arbeid.
8. Velje statsautorisert revisor og fastsetje godtgjersle.
9. Velje leiar og 7 medlemer av valnemnda for neste årsmøte. 6 av medlemene veljast frå fylkeslaga. Det veljast ein nestleiar blant medlemene frå fylkeslaga. Ein medlem, med varamedlem veljast frå samvirkeorganisasjonane med marknadsreguleringsansvar. Leiaren veljast for 1 år, medlemene veljast for 3 år.  
Årsmøtet fastset reglar og instruks for valnemnda.
10. Fastsetje kontingensten og fordeling i samsvar med § 8.
11. Handsame andre saker som blir lagde fram.

## § 10. Ekstraordinært årsmøte

Ekstraordinært årsmøte blir halde etter vedtak i styret eller representantskapet. Det blir innkalla så vidt mogleg med 14 dagars varsel. Ekstraordinært årsmøte handsamar dei sakene som blir lagde fram. Sakliste med dokument skal så vidt mogleg sendast ut før møtet. Styret fastset tidsfristen for innlevering av saker som skal handsamast.

## § 11. Representantskapet

Representantskapet i Norges Bondelag er eit rådgjevande organ for årsmøtet, styret og forhandlingsutvalet i Norges Bondelag.

Representantskapet held møte når styret gjer vedtak om det, eller når ordføraren eller minst 6 av fylkeslaga, eller minst halvparten av medlemene i representantskapet krev det.

- a) Det blir innkalla til representantskapsmøte med 6 vekers varsel. Styret kan i særlege tilfelle kalle inn representantskapet med kortare frist.

Representantskapet blir innkalla av ordføraren, som også leier møtet.

- b) Rett til å leggje fram saker for representantskapet har årsmøtet, styret og fylkesbondelaga, samvirkeorganisasjonane som er medlemer av representantskapet, Norges Bygdekvinnelag og Norges Bygdeungdomslag.

Saker som skal handsamast av representantskapet, må vere innkomne til styret seinast 3 veker før ordinært representantskapsmøte. Ved ekstraordinært representantskapsmøte fastset styret tidsfristen for når saker som skal handsamast, må vere innkomne.

- c) Representantskapet i Norges Bondelag er samansett av:

1. Ordførar og varaordførar.
2. Styret i Norges Bondelag.
3. Leiariane i fylkesbondelaga, og dessutan ein tilleggsrepresentant for fylkeslag med meir enn 5000 medlemer.
4. Eit medlem vald av Norges Bygdekinnelag
5. Eit medlem vald av Norges Bygdeungdomslag
6. 16 medlemer valde av desse organisasjonane:
  - 1 frå TINE
  - 1 frå Nortura
  - 1 frå Felleskjøpet Agri
  - 1 frå Gartnerhallen
  - 1 frå Hoff Norske Potetindustrier
  - 1 frå Norges Pelsdyralslag
  - 1 frå Norges Skogeierforbund
  - 1 frå Norsvin
  - 1 frå GENO
  - 1 frå Norsk Sau og Geit
  - 1 frå Landkreditt
  - 1 frå TYR
  - 1 frå Norges Birøkterlag
  - 1 frå Norsk Fjørfelag
  - 1 frå Norske Landbrukstenester
  - 1 frå Norsk Landbruksrådgiving

Det blir vist til § 5 pkt c), som fastlegg stemmerett for medlemer i representantskapet.

Medlemer av representantskapet valde av dei økonomiske organisasjonane, Norges Bygdekinnelag og Norges Bygdeungdomslag skal ha personlege varamedlemer. For fylkesleiarane er nestleiarane i fylkesbondelaga varamedlemer.

Avstemmingsreglane er dei same som for årsmøtet (jfr § 9g).

- d) Det skal førast protokoll frå representantskapsmøtet.
- e) Reise- og kostgodtgjersle til medlemene av representantskapet blir betalt av Norges Bondelag. Dette gjeld ikkje for utsendingar frå dei økonomiske organisasjonane.
- f) Ordinært representantskapsmøte skal:
  1. Velje 2 representantar til, saman med ordføraren, å skrive under protokollen.
  2. Handsame alle andre saker som blir lagde fram av styret.
  3. I samsvar med første ledd i denne paragraf, ta opp til drøfting saker som representantskapet finn å vere av interesse for Norges Bondelag.

## § 12. Styret

- a) Eit styre leier verksemda i Norges Bondelag. Styret er ansvarleg overfor årsmøtet for si verksem og for forvaltninga av midlane til Norges Bondelag.
- b) Styret har 12 medlemer. Av desse er 10 valde av årsmøtet. Dessutan ein medlem frå styret i Norges Bygdeungdomslag og ein medlem frå styret i Norges Bygdekinnelag.

Ordføraren i representantskapet har møterett i styremøta, men har ikkje stemmerett. Ordføraren får styret sine saksdokument og protokollar.

Gyldig vedtak i styret krev minst 7 gjevne stemmer for vedtaket. Om det er like mange stemmer for kvart forslag, har leiaren dobbeltstemme.

Styret kjem saman når leiaren avgjer det, eller når minst halvparten av styremedlemmane krev det.

c) I sitt arbeid skal styret m.a.:

1. Leie arbeidet i laget i samsvar med lovene for Norges Bondelag og dei vedtak som blir gjorde i medhald av dei.
2. Ta opp saker som er av interesse for å fremje Norges Bondelag sitt formål. Styret skal vidare handsame saker som det får oversendt frå representantskapet.
3. Forvalte Norges Bondelag sine fond og andre midlar og eignelutar.
4. Føre tilsyn med arbeidet i dei ulike ledd innan organisasjonen og fastsetje dei nødvendige instruksar.
5. Førebu dei saker som skal leggjast fram for representantskapsmøtet og årsmøtet.
6. Tilsetje og avsetje generalsekretær i Norges Bondelag samt fastsetje arbeidsoppgåver og vilkår for generalsekretæren.
7. Velje representantar til styret, representantskapet og årsmøtet i Norges Bygdeungdomslag, til styret og årsmøtet i Norges Bygdekvinnelag i samsvar med desse organisasjonane sine vedtekter.
8. Syte for nødvendig aksjonsberedskap (jfr § 2a, pkt 3).
9. Styret gjer elles dei val som er nødvendige.

d) Til arbeid med og utgreiing av egne saksområde og spesielle oppgåver kan styret sette ned utval som arbeider under styret si leiing.

Når det gjeld å greie ut særskilde saker, kan styret setje ned utval som arbeider under leiing av styret.

Til å leie særlege tiltak kan det oppnemnast særskilde styre

Styret utarbeider instruks og statuttar for arbeidet til desse utvala og styra.

e) Dersom eit lokallag eller fylkesbondelag gjer vedtak som ligg utanfor ramma av verksemda for laget, eller står i strid med Norges Bondelag sine lover eller vedtak, kan styret oppheve desse vedtaka.

f) Norges Bondelag hefter med underskrift av leiaren og generalsekretæren saman, eller den styret gir fullmakt. Styret kan meddele prokura.

g) Leiaren, dei to nestleiarane og ein styremedlem utgjer arbeidsutval innan styret. Styret vel ein medlem og to varamedlemer til arbeidsutvalet.

Det skal førast protokoll frå møter i styret og arbeidsutvalet.

h) Leiaren og dei to nestleiarane er Norges Bondelag sitt forhandlingsutval. Styret vel to varamedlemer til forhandlingsutvalet mellom styret sine medlemer. Vala skjer for eitt år.

i) Styret i Norges Bondelag er generalforsamling i Bondelagets Servicekontor AS. Generalforsamlinga vel fire personar frå styret i Norges Bondelag til styret i servicekontoret.

## KAP. III. OM LOKALLAG AV NORGE BONDELAG

### § 13. Lokale bondelag

Medlemene i Norges Bondelag skal organiserast i lokale bondelag (jfr § 4).

### § 14. Årsmøtet i lokale bondelag

Den høgste avgjerande styresmakt i det lokale bondelag er årsmøtet.

Ordinært årsmøte blir halde innan 1. november kvart år. Årsmøtet blir kalla inn av styret.

Alle årsmøte skal kunngjerast til medlemene med minst 14 dagars varsel.

Saklista skal gjerast kjend for medlemene.

Årsmøtet vel sjølv sin møteleiar.

a) Ordinært årsmøte skal:

1. Velje møteleiar.
2. Velje 2 årsmøtedeltakarar til, saman med møteleiaren, å skrive under protokollen.
3. Handsame meldinga frå styret.
4. Handsame rekneskap og melding frå revisor. Styremedlemene har ikkje røysterett i desse sakene.
5. Handsame arbeidsplan for neste år.
6. Handsame andre saker som styret legg fram. Ein medlem har rett til å få ei sak handsama på årsmøtet når saka er komen inn til styret seinast 8 dagar før årsmøtet.
7. Velje leiar og minst 4 styremedlemer. Leiaren blir vald for eitt år og styremedlemene for to år om gongen. Velje 3-5 varamedlemer i nummerorden for eitt år om gongen.  
I lokallag med færre enn 50 medlemer kan hovudregelen fråvikast, men ingen lokallag kan velje færre styremedlemer enn leiar, to styremedlemer og to varamedlemer.
8. Velje utsendingar til årsmøtet i fylkesbondelaget, dersom laget har rett til nokon i tillegg til leiaren som er sjølvskrivne (sjå § 19a, pkt 1).
9. Velje 2 revisorar.
10. Velje valnemnd for neste årsmøte.

b) Alle medlemene av laget og medlemer i det lokale bondelagsstyret frå Norges Bygdekvinnelag og Norges Bygdeungdomslag har stemmerett på årsmøtet.

Årsmøtet tek sine avgjerder ved fleirtalsvedtak. Ved likt stemmetal har møteleiaren dobbeltstemme. Dette gjeld ikkje ved val.

Dersom ingen av kandidatane ved val får meir enn halvparten av stemmene, skal det haldast omval. Oppnår ingen av kandidatane meir enn halvparten av stemmene ved andre valomgang, skal det haldast omval mellom dei to kandidatane som har fått flest stemmer i andre valomgang. Blir stemmetalet likt i tredje valomgang, blir valet avgjort ved loddtrekning.

Alle val på årsmøtet gjeld - dersom ikkje noko anna er fastsett frå avslutninga av årsmøtet. Val på leiar skal være skriftleg. Val på styremedlemer skal være skriftleg om det er framlegg på to kandidatar til eit verv eller om nokon i årsmøtet krev skriftleg val.

- c) Ekstraordinært årsmøte blir innkalla når styret eller  $\frac{1}{4}$  av medlemene i laget, eller styret i fylkesbondelaget krev det.
- d) Det skal førast protokoll frå årsmøtet.

### **§ 15. Styret i lokale bondelag**

Arbeidet i det lokale bondelag blir leia av eit styre. Styret er ansvarleg overfor årsmøtet i lokallaget.

- a) Styret er samansett av leiaren og styremedlemene valde på årsmøte (jfr § 14a, pkt 7) samt eitt medlem frå styret i lokallaga av Norges Bygdekvinnelag og Norges Bygdeungdomslag. Er det fleire lag av Norges Bygdekvinnelag og/eller Norges Bygdeungdomslag innan det lokale bondelagsområdet, skal dei to organisasjonane kvar for seg ha ein felles representant i styret for det lokale bondelaget. Styret er vedtaksfør når minst halvparten og minst tre av styremedlemene er til stades.

Ved likt stemmetal har leiaren dobbeltstemme.

- b) Styret har til oppgåve å:
  1. Velge nestleiar, kasserar, sekretær, studieiar og verveansvarleg innan styret.
  2. Når årsmøtet har gitt fullmakt til det, kan regnskapsfunksjonen ordnast utanom styret.
  3. Leie arbeidet i laget samsvar med disse lover og vedtak gjort i medhald av dei.
  4. Syte for nødvendig aksjonsberedskap (jf. § 2, pkt. 3) og syte for at Norges Bondelag sine aksjonsplanar blir følgje opp.
  5. Ta opp saker som fremjar Norges Bondelag sitt formål, og saker som er av interesse for medlemer i lokallaget.
  6. Velje utval til å ta seg av dei ymse arbeidsoppgåvene for lokallaget innan bygda.
  7. Stø ungdoms- og rekrutteringsarbeid.
- b) Styret bør ha møte minst 4 gonger i året.
- c) Det skal førast protokoll frå møter i styret.

### **§ 16. Ansvar**

Dei lokale bondelaga kan ikkje drive forretningsverksemd, erverva fast eigedom eller setje i gang tiltak som kan medføre økonomisk ansvar utan etter godkjenning på førehand av styret i Norges Bondelag (jfr. § 4).

### **§ 17. Æresmedlemer i lokale bondelag**

Æresmedlemer av eit lokalt bondelag blir utnemnde av årsmøtet etter framlegg frå styret i lokallaget.

Framlegget på æresmedlemer må vere godkjent på førehand av styret i Norges Bondelag. Framlegget blir sendt gjennom fylkeslaget.

## KAP. IV. OM FYLKESLAG AV NORGES BONDELAG

### § 18. Fylkesbondelag

Lokale bondelag i eit fylke skal sluttast saman til fylkesbondelag (jfr § 4).

### § 19. Årsmøtet i fylkesbondelaget

Den høgste avgjerande styresmakt i fylkesbondelaget er årsmøtet.

Årsmøtet skal ordinaert haldast innan utgongen av april månad.

Årsmøtet blir gjort kjend for Norges Bondelag og lokallaga 6 veker før det blir halde. Innkalling til årsmøtet med sakliste skal sendast Norges Bondelag og utsendingane til årsmøtet seinast 14 dagar før møtet blir halde.

Årsmøtet blir kalla inn av styret, og blir styrt av ein vald møteleiar.

a) Årsmøtet er samansett av:

1. Leiарane i dei lokale bondelaga. I tillegg vel lokallag med over 100 medlemer 1 utsending for kvar påbyrja 100 medlemer. 101-200 gir 1, 201-300 gir 2 osb. Fylkesårsmøtet kan likevel vedta ein alternativ representasjon i intervallet 1 representant for kvar påbyrja 50 medlemer til 1 for kvar påbyrja 200 medlemer.
2. Styremedlemene i fylkesbondelaget.
3. To utsendingar valde av Norges Bygdekinnelag i fylket.
4. To utsendingar valde av Norges Bygdeungdomslag i fylket.
5. Medlemer av styre og representantskap i Norges Bondelag som bur i fylket.
6. Medlemer av årsmøtet i Norges Bondelag valde av fylkesbondelaget. (Valet gjeld for eitt årsmøte i Norges Bondelag og medlemene møter dermed på det følgjande årsmøtet i fylkesbondelaget.)
7. Møteleiar.

Utsendingar frå Norges Bondelag har rett til å vere til stades og uttale seg på årsmøtet. Leiарar i faste utval og eventuelle krinsleiarar blir kalla inn til årsmøtet.

Elles har alle medlemene av Norges Bondelag rett til å følge forhandlingane på årsmøtet dersom ikkje årsmøtet har vedteke at handsaminga av somme saker skal gå føre seg i stengd møte. Årsmøtet avgjer då kven som kan vere til stades under forhandlingane.

b) Årsmøtet skal:

1. Velje 2 representantar, til å skrive under protokollen saman med møteleiaren.
2. Handsame årsmeldinga frå styret.
3. Handsame rekneskap og framlegg til budsjett for neste år. Styremedlemene har ikkje stemmerett i desse sakene.
4. Handsame arbeidsplan.
5. Velje leiar for 1 år om gongen. Vidare velje 4 til 8 styremedlemer for 2 år om gongen, og 3 varamedlemer i nummerorden for 1 år. Fyrste gong vert halvparten av medlemmane valde for eitt år.

Årsmøtet vel så inntil 2 nestleiarar for eitt år mellom dei valde styremedlemene.

Årsmøtet i fylkeslaget avgjer tal styremedlemer innanfor dette intervallet.

6. Velje utsendingar for eitt år til årsmøte i Norges Bondelag (jfr § 9c). Dessutan kvart år velje så mange varautsendingar i nummerorden som svarar til talet på utsendingar.
7. Velje møteleiar for neste årsmøte.
8. Velje valnemnd for neste årsmøte.

9. Handsame dei sakene som blir lagde fram.

Lokallag som vil ha ei sak fremja for årsmøtet, må sende saka inn til styret i fylkesbondelaget seinast 1 månad før årsmøtet.

Saker som kjem for seint inn, og saker som ikkje er tekne med på innkallinga, kan styret legge fram for årsmøtet til handsaming dersom  $\frac{3}{4}$  av medlemene på årsmøtet stemmer for det. Dette gjeld ikkje særskilde saker som styret i Norges Bondelag har sendt fylkesbondelaget til handsaming på årsmøtet, og som det hastar med å få avgjort. Styret i fylkesbondelaget avgjer om framlegg frå einskildmedlemer skal handsamast.

- c) Årsmøtet tek sine avgjerder ved fleirtalsvedtak. Ved likt stemmetal har møteleiaren dobbeltstemme. Dette gjeld ikkje ved val.

Dersom ingen av kandidatane ved val får meir enn halvparten av stemmene, skal det haldast omval. Oppnår ingen av kandidatane meir en halvparten av stemmene ved andre valomgang, skal det haldast omval mellom dei to kandidatane som har fått flest stemmer i andre valomgang. Blir stemmetalet likt i tredje valomgang, blir valet avgjort ved loddrekning mellom dei to.

Val på leiar og styremedlemer skal vere skriftleg.

Alle val på årsmøtet gjeld - dersom ikkje noko anna er fastsett - frå avslutninga av årsmøtet.

- d) Det skal førast protokoll frå årsmøtet. Protokollen blir sendt til Norges Bondelag og til deltakarane på årsmøtet.
- e) Ekstraordinært årsmøtet blir kalla inn når styret i fylkesbondelaget eller  $\frac{1}{4}$  av lokallaga, eller styret i Norges Bondelag krev det. Innkallinga skal til vanleg gjerast med minst 14 dagars skriftleg varsel. Ekstraordinært årsmøte handsamar berre dei sakene som står i innkallinga.

## § 20. Styret i fylkesbondelaget

Eit styre leier arbeidet i fylkesbondelaget. Styret er ansvarleg overfor årsmøtet i fylkesbondelaget.

- a) Styret er samansett av

1. Leiar.
2. Nestleiar(ar).
3. Inntil 7 styremedlemer (inntil 6 styremedlemer dersom to nestleiarar).
4. Eitt medlem med vararepresentant vald av Norges Bygdekvinnelag i fylket.
5. Eitt medlem med vararepresentant vald av Norges Bygdeungdomslag i fylket.

Styret kjem saman når leiaren avgjer det, eller etter krav frå minst halvparten av styremedlemene.

Gyldig vedtak i styret krev at fleire enn halvparten av styret sine medlemer stemmer for vedtaket. Ved likt stemmetal har leiaren dobbeltstemme.

- b) Styret skal m.a.:

1. Leie fylkesbondelaget i samsvar med desse lovene, og vedtak gjorde i medhald av dei.
2. Ta opp saker for å fremje Norges Bondelag sitt formål, og gjennomføre dei pålegg som Norges Bondelag gir.

3. Forvalte den del av kontingensten som fell på fylkesbondelaget og andre midlar som fylkesbondelaget har disposisjonsrett over.
  4. Rettleie lokallaga i arbeidet deira.
  5. Syte for nødvendig aksjonsberedskap (jfr § 2a, pkt 3), og syte for at Norges Bondelag sine aksjonsplanar blir følgde opp.
  6. Innstille overfor Bondelagets Servicekontor AS ved tilsetjing av organisasjonssjef.
  7. Velje representantar til styret i fylkeslag av Norges Bygdeungdomslag og Norges Bygdekvinnelag.  
Velje 2 utsendingar til årsmøtet i fylkeslag i Norges Bygdekvinnelag og 2 utsendingar til årsmøtet i fylkeslaget i Norges Bygdeungdomslag
- c) Til å førebu saker for styret, og avgjere mindre viktige saker og saker som det hastar med å få avgjort, kan styret nemne opp eit arbeidsutval mellom medlemene sine. Styret gjev nærmare instruks for verksemda til arbeidsutvalet.
- d) Det skal førast protokoll frå møter i styret.

## § 21. Ansvar

Fylkesbondelaga kan ikkje drive forretningsverksemd, erverva fast eigedom eller setje i gang tiltak som kan medføre økonomisk ansvar utan etter førehandsgodkjenning frå styret i Norges Bondelag (jfr. § 4). Heller ikkje kan fylkesbondelaga på andre område gjere vedtak som bind Norges Bondelag (jfr. § 12 e).

## § 22. Æresmedlemer i fylkesbondelaget

Æresmedlemer av eit fylkesbondelag blir utnemnde av årsmøtet etter framlegg frå styret i fylkesbondelaget.

Framlegget på æresmedlemer må vere godkjend på førehand av styret i Norges Bondelag.

## KAP. V. SPESIELLE FØRESEGNER

### § 23. Utfyllande føresegner m.m.

- a) Årsmøtet i Norges Bondelag eller styret i Norges Bondelag - etter fullmakt frå årsmøtet - kan gje føresegner til utfylling av desse lovene.
- b) Styret i Norges Bondelag gjev utfyllande føresegner om administrasjon, arbeids- og ansvarsforhold - under dette instruks for sekretariatet.
- c) Etter desse lovene forstår ein fleirtalsvedtak som meir enn halvparten av dei gitte og godkjende stemmene. Blanke stemmer blir rekna som stemmer som er gitt.

### § 24. Avstemmingar

- a) Styret i Norges Bondelag kan gjere vedtak om at det skal haldast skriftleg avstemming mellom medlemene. Styret avgjer om slike skriftlege avstemmingar skal vere rådgjevande eller bindande, og styret kan gi nærmere reglar om avgrensing av stemmeretten i særskilde saker. Ved skriftlege medlemsavstemmingar skal spørsmåla vere slik forma at det klart kan svarast ja eller nei. Alle andre svar skal vrakast.
- b) Styret kan gjere vedtak om at særskilde saker skal sendast ut til avstemming blant nærmere nemnde tillitsvalde eller tillitsvalde særleg valde for særskilde saker.
- c) Dei lokale avstemmingsresultat må ingen andre enn styret i Norges Bondelag få melding om. Styret avgjer om sluttresultatet skal offentleggjeraast eller ikkje.
- d) For saker av interesse for ein mindre del av landet kan eit fylkesbondelag, med samtykke frå styret i Norges Bondelag, halde avstemming mellom medlemmene sine. Styret i Norges Bondelag skal godkjenne reglar for slike avstemmingar.

Styret gjer elles dei vedtak som trengst for å gjennomføre avstemmingar etter denne paragrafen.

### § 25. Aksjonsapparatet

For å gjennomføre mottiltak eller andre organisasjonsmessige tiltak slik det er gjort vedtak om (jfr § 2a, pkt 3) skal styret i NB til ei kvar tid ha ein aksjonsberedskap. Det faste aksjonsapparatet er:

- a) Styret i Norges Bondelag.
- b) Styret i fylkesbondelaget.
- c) Styret i lokallaget.

### § 26. Rekneskap og revisjon

Rekneskapen for Norges Bondelag skal følgje kalenderåret. Det same gjeld for fylkesbondelag og lokallag. Lokallaga kan likevel ha avvikande rekneskapsår.

Rekneskapen for Norges Bondelag og fylkesbondelaga blir reviderte av ekstern revisor i eit revisjonsføretak.

Revisor skal levere inn revisjonsmelding til styret i Norges Bondelag. Revisor kan kallast inn når rekneskapen blir handsama i representantskap og årsmøte.

### **§ 27. Meldingar**

Lokale bondelag og fylkesbondelag har plikt til å gi dei utsegner, meldingar og opplysningar som styret i Norges Bondelag ber om.

### **§ 28. Endring i lovene**


Endringar i lovene for Norges Bondelag kan gjerast i ordinært eller ekstraordinært årsmøte med 2/3 fleirtal av dei stemmene som er gitt. Det skal stå i innkallinga kva framlegg til endring går ut på.

### **§ 29. Oppløysing**

a) Oppløysing av Norges Bondelag kan gjerast på ordinært årsmøte når vedtaket på årsmøtet er samrøystes og det ligg føre samrøystes innstilling frå dei frammøtte representantane i representantskapet. Det er ein føresetnad at minst 3/4 av medlemene til årsmøtet skal vere til stades.

Vidare kan det gjerast vedtak om oppløysing med fleirtalsvedtak av to årsmøte som følgjer etter kvarandre. Det må minst vere gått to månader mellom dei to årsmøta.

b) Dersom Norges Bondelag blir oppløyst, avgjer årsmøtet korleis formuen til organisasjonen skal brukast.



NORGES  
**BONDELAG**